

〔後深心院關白記〕應安五年八月四日戊寅盛深僧正送狀云、小童去月廿六日移住一乘院目出之由示之、次同廿四日辰刻自金堂良角虹吹上坤方、滿寺驚之、自廿五日三ヶ日間立市之由同示送也。

〔兔園小說四集〕略○中 虹霓の立ちて西に有るは明日必雨降り、東に見ゆるは必風吹く、切れ切れに光り散るは風起る、日暮に東南に見ゆるは天風なり。

〔日本書紀推古十二〕二十八年十二月庚寅朔、天有赤氣、長一丈餘、形似確尾。

〔日本書紀天武十九〕十一年八月壬申、是日、白氣起於東山、其大四圍。

〔續日本紀孝謙十九〕天平勝寶八歲十月丙申、有白氣貫日。

〔日本紀略桓武〕延曆十一年正月甲申、白氣貫日。

〔日本後紀二十一〕弘仁二年七月丁未、大極殿龍尾道上有雲、氣狀如烟、須臾竭滅。

〔續日本後紀仁明〕承和六年六月丁丑、是夜有赤氣、方卅丈、從坤方來、至紫宸殿之上、去地廿許丈、光如炬火、須臾而滅。

〔續日本後紀仁明〕承和十四年六月乙巳、此夜月暈之外、有白氣繞之。

〔三代實錄清和〕貞觀元年二月十一日丁酉、有赤黃白氣、形如車輪繞日。

〔三代實錄清和〕貞觀六年十月七日庚申、夜北山有光如電、又朱雀門前見赤光、長五尺許。

〔三代實錄清和〕貞觀十六年四月廿四日壬子、非霧霧一本作雲、非霞、黃赤色氣、延蔓蔽天。

〔三代實錄清和〕貞觀十七年五月十六日丁酉、夜有雲氣、竟天、形如幡、頭掛西山、尾掛東山。

〔三代實錄陽成〕元慶二年八月二日乙丑、夜有光、見紫宸仁壽兩殿之間。

〔永昌記〕天永元年三月十一日己酉、近日瘴煙竟發、仍今朝始、大般若并六字法。

〔本朝世紀〕久安六年九月十六日己丑、今日寅刻、天北方并西方有赤氣、如野火。